



Broj: 02-200/24  
Sarajevo, 11. 01. 2024. godine

**Z a k l j u č c i / O d l u k e**  
**01. vanredna sjednica Vijeća Univerziteta u Sarajevu – Ekonomskog fakulteta**  
**održana 11 .01. 2024. godine**

**1. Informacija profesorice Selimović dr. Jasmine o prelasku na novu dužnost i imenovanje za Guvernerku Centralne banke Bosne i Hercegovine / prestanak mandata dekana u skladu sa članom 121. stav 1. tačka e) Statuta Univerziteta u Sarajevu**

Vijeće Univerziteta u Sarajevu – Ekonomskog fakulteta primilo je k znanju i prihvatilo informaciju profesorice Selimović dr. Jasmine o prelasku na novu dužnost i imenovanje za Guvernerku Centralne banke Bosne i Hercegovine / prestanak mandata dekana u skladu sa članom 121. stav 1. tačka e) Statuta Univerziteta u Sarajevu

**2. Obraćanje profesorice Selimović dr. Jasmine i izvještaj o radu dekana za period 01.10.2022 – 31.12.2023**

Vijeće Univerziteta u Sarajevu – Ekonomskog fakulteta primilo je k znanju informaciju profesorice Selimović dr. Jasmine i usmeni izvještaj o radu dekana za period 01.10.2022 –31.12.2023. Izvještaj o radu dekana u pisanoj formi biće dostavljen budućem vršiocu dužnosti dekana koji će biti pohranjen u arhivi.

**3. Donošenje Odluke o prestanku mandata profesorice Selimović dr. Jasmine u skladu sa članom 121. stav 1. tačka e) Statuta Univerziteta u Sarajevu**

Vijeće Univerziteta u Sarajevu – Ekonomskog fakulteta jednoglasno je donijelo je Odluku o prestanku mandata profesorice Selimović dr. Jasmine u skladu sa članom 121. stav 1. tačka e) Statuta Univerziteta u Sarajevu.

S obzirom da mandat dekana prati i mandat prodekanâ, donesene su i odluke o razrješenju prodekanâ.

**4. Izbor vršioca dužnosti dekana:**

**a) Imenovanje komisije za provođenje postupka izbora vršioca dužnosti dekana**

Vijeće Univerziteta u Sarajevu – Ekonomskog fakulteta jednoglasno je donijelo odluku o imenovanju Komisije za provođenje postupka izbora vršioca dužnosti dekana, u sljedećem sastavu:

1. Prof. dr. Aziz Šunje, predsjednik
2. Prof. dr. Veljko Trivun, član
3. Prof. dr. Kemal Kozarić, član.

**b) Prijedlog vršioca dužnosti dekana i glasanje o datim prijedlozima**

Vijeće Univerziteta u Sarajevu – Ekonomskog fakulteta jednoglasno je utvrdilo prijedlog kandidata za koji će se vršiti tajno glasanje za izbor vršioca dužnosti dekana – prof. dr. Meliha Bašić.

**c) Odluka o izboru vršioca dužnosti dekana koji obavlja dužnost do kraja izbora novog dekana**

U skladu sa članom 123. stav 4. Statuta Univerziteta u Sarajevu, vršioca dužnosti dekana bira Vijeće tajnim glasanjem, natpolovičnom većinom ukupnog broja članova Vijeća. S obzirom da Vijeće čini 69 članova, natpolovična većina ukupnog broja članova Vijeća je 35.

Nakon provedenog tajnog glasanja za izbor profesorice Bašić dr. Melihe za vršioca dužnosti dekana, Komisija je konstatovala da je glasanju pristupio 61 član Vijeća.

Nakon prebrojavanja glasova, Komisija je konstatovala da je broj glasačkih listića identičan broju glasača koji su pristupili glasanju, te da prof. dr. Meliha Bašić ima sljedeći broj glasova: ZA: 56 i PROTIV: 5.

Na osnovu provedenog postupka izbora vršioca dužnosti dekana i rezultata tajnog glasanja, Vijeće Univerziteta u Sarajevu – Ekonomskog fakulteta donijelo je odluku o izboru Bašić dr. Melihe za vršioca dužnosti dekana, koja će obavljati dužnost dekana do izbora novog dekana, a najduže šest mjeseci.

Vijeće Univerziteta u Sarajevu – Ekonomskog fakulteta jednoglasno je prihvatilo prijedlog profesorice Bašić dr. Melihe, da do izbora dekana, funkciju prodekana obavljaju dosadašnji prodekani: prof. dr. Amila Pilav-Velić, prof. dr. Eldin Mehić i prof. dr. Emir Kurtić.

**5. Donošenje odluke o raspisivanju konkursa za izbor dekana**

Vijeće Univerziteta u Sarajevu – Ekonomskog fakulteta jednoglasno je donijelo odluku o raspisivanju konkursa za izbor dekana. Objava Konkursa planirana je za 15. 01. 2024. godine.

**6. Imenovanje Komisije za provođenje postupka izbora dekana**

Vijeće Univerziteta u Sarajevu – Ekonomskog fakulteta jednoglasno je donijelo odluku o imenovanju Komisije za provođenje postupka izbora dekana u sljedećem sastavu:

1. Prof. dr. Veljko Trivun, predsjednik
2. Prof. dr. Aziz Šunje, član
3. Prof. dr. Kemal Kozarić, član
4. Prof. dr. Zijada Rahimić, član
5. Prof. dr. Emina Resić, član.

Predsjedavajući Vijeća  
Univerziteta u Sarajevu – Ekonomskog fakulteta

Prof. dr. Kemal Kozarić